

淳化县志

一
函
五
冊

淳化縣志卷十三

知縣事南州萬廷樹重修

學校志第十二

宋淳化縣學

舊志儒學有宋大觀二年八行八刑碑

元淳化縣學

縣冊元儒學在縣南

明淳化縣學

舊志明洪武二十年遷儒學于縣東南面城嘉靖三年按察司副使何天衢行縣以逼南城下命署縣事縣丞畢經復移置今地有碑記

大成殿

明州志先師廟有兩廡戟門櫺星門 舊志文廟大

成殿明萬厯中知縣李朝忠修

本朝康熙十一年知縣文秉濂重修有碑記

啟聖祠

舊志在文廟西北康熙十一年知縣文秉濂修四十年知縣張如錦重修有記

名宦祠

明州志在櫺星門外東向享祀五位漢雲陽令王吉
宋知淳化縣張安祖金淳化令梁襄明淳化縣知縣
劉玉縣丞畢經 舊志明隆慶四年署縣事布政司

理問童思善創建

國朝康熙二十五年知縣張綸重修增祀唐雲陽縣丞
王播雲陽縣尉韓臯元縣令艾元老明知縣郭儒歐
陽煖教諭耿文璿潘大民 亮吉按明州志名宦祠
有縣丞畢經蓋因嘉靖三年移建儒學之續今縣冊
及舊志皆無之或明萬歷後及
國朝所撤去也

鄉賢祠

明州志在櫺星門外東向享祀五位漢丞相黃霸明
金華府同知張景芳刑科給事中趙信交趾當道知
縣第五寧絳州同知賈貫 舊志均隆慶四年童思

善創建

國朝康熙二十五年知縣張綸重修增祀漢大司徒宣
秉明知州羅楫知縣關貴袁譚布政使司賈克忠按
明邠州志鄉賢有明同知張景芳給事中趙信知縣
第五寧同知賈賈無漢司徒宣秉今所祀考係明崇
正中更定知名宦中唐王播元艾元老鄉賢中漢宣
秉皆須考正明畢張趙賈第五諸君撤去未知何據
又

國朝名宦如趙寶文秉謙先後請謚荒糧有功地方鄉
賢如明羅廷繡創修志秉

國朝姚開先殉節蜀中久宜從祀皆尚未有

明倫堂

舊志明萬歷中知縣李朝忠修署縣事西安府通判
白鏞重修皆有碑記

本朝康熙二十五年知縣張綸重修堂上有遷學碑記
宸翰碑記

乾隆三十五年學博苟宏德同諸生捐貲重修
東西廡戟門櫺星門

舊志康熙二十五年知縣張綸重修有碑記

祭器庫

明州志庫貯銅簋二百七十一個銅爵一百二十八
個琉璃爵三十八個今少簋二爵三所存半已損壞

舊有黃帳香爐枕櫟已久廢

書籍庫

學中典籍係明永樂年間頒置約十餘部歷時已久
朽腐脫落諸籍俱已無存故不復錄自

本朝定鼎以來雅意作人精加考訂所頒書籍甚夥特
詳錄部數卷冊於左

馭呂留良四書講義一部八本雍正十三年頒發樂
章一抄本學政全書一本俱雍正十三年頒發

御纂周易折中二部二套二十本

欽定書經傳說彙纂二部四套四十八本

欽定詩經傳說彙纂二部四套四十八本

欽定春秋傳說彙纂二部四套四十八本

御纂性理精義二部二套十本

御纂朱子全書二部六套六十本以上俱乾隆六年頒
發

欽定前朝四書文一部十四本

欽定本朝四書文一部八本以上俱乾隆六年頒發

聖諭廣訓二本四禮初稿一部二本四禮翼一部一朝

明史一部一百一十二本從正遺規一部共二本孝

經註解二部每部一本在官法戒錄一部二本小學

纂註二部共八本綱鑑正史約一部十六本近思錄

集解二部共八本大學衍義補輯要一部六本大學

衍義輯要一部二本養正遺規一部一本教女遺規
一部一本訓俗遺規一部二本以上俱乾隆十年頒
發豫章學約一部二本

欽定康濟錄一部六本

御批資治通鑑綱目一部八套八十本

御選古文淵鑑正集一部四套四十本

御選唐宋文醇一部一套二十本以上俱乾隆十三年
頒發

欽定科場條例一部四本乾隆十五年頒發

欽定鄉飲儀注一本續增學政全書一部四本乾隆二
十一年頒發

御纂周易述義一部一套四本

御纂詩義折中一部一套八本

御纂春秋直解一部一套八本以上俱乾隆三十四年

頒發

御製文初集一部一套八本

御製詩初集一部一套二十本

御製詩二集一部五套三十本以上乾隆三十五年頒

發

聖諭廣訓一部一本乾隆四十二年頒發

御製訓飭士子文

學政條約

請定教職條例以上俱在學政全書一部一本內
欽定增輯學政全書一部乾隆四十七年頒發

桂林坊

舊志臨街面東按明萬歷中知縣歐陽煖教諭孫友
以大門庠下風脉不利特命工築高數倍

國朝康熙二十五年知縣張綸又嫌過高仍鑿基址就
低如舊

魁星樓

舊志在大門外

教諭公廨

舊志文廟後見存房舍十餘楹今分前後二院爲教

諭訓導衙署

訓導公廨

縣冊在教諭公廨後

義學

舊志康熙三十八年冬知縣張如錦捐俸延明經爲師設義學四公生祠內後移城隍廟道院乾隆四十二年知縣萬廷樹又移準提菴捐俸延師見在貧民子弟從學甚衆

社學醫學陰陽學

舊志俱在縣治北久已圯廢

原
书
缺
页

淳化縣志卷十四

知縣事南州萬廷樹重修

衙署志第十二

宋淳化縣署

陝西通志舊在北門內宋宣和七年縣令張安祖完
治西堂使南向州志宋淳化中建舊志宋縣令
張安祖吏隱堂額尙存

明淳化縣署

陝西通志明洪武初移建城內正中崇正中知縣楊
泰貞拓修州志明知縣宅在正堂後舊志始建
在北門內明洪武初年知縣楚桓移置今地堂曰節

愛堂自太守吳公六泉氏以訓詞頒行各邑後俱仍之今其詞懸西壁俱吳公名及歲月俱不載考通志名宦亦闕

寅賓館

州志在儀門外土地祠前明崇正中知縣楊泰貞創建有記刻石

馬神祠

舊志在射圃內明崇正中知縣趙之琴創建有節愛碑記縣志仍明舊

馬廐

州志在儀門內

書院

州志在儀門內縣冊今廢

申飭法紀亭

舊志在大門東明天啟四年知縣張顯謨立

鐘樓鼓樓

州志在大門外

明察院行署

舊志在縣治南今廢

國朝淳化縣署

陝西通志康熙中知縣張如錦重葺舊志前正中

儀門東西角門大堂顏曰節愛堂堂西爲庫房堂前

甬道爲六房吏廨堂後爲宅門爲後堂左右有書室
又後爲房舍從屋西首爲馬廐廚房水火馬夫等伏
宿從屋乾隆三十二年知縣于璉詳請動項重修四
十五年知縣萬廷樹捐修儀門內東快班廳三間大
堂西刑左房二間大堂東收糧房三間宅門內二堂
西書房三間

典史署

舊志在堂東縣丞公署舊在堂西久廢

戒石亭

舊志在堂前舊有亭今廢

常平倉